



Republika e Kosovës
Republika Kosova - Republic of Kosovo
Qeveria - Vlada - Government

Nr. 08/04
Datë: 28.02.2020

Në mbështetje të nenit 92 paragrafi 4. dhe të nenit 93 paragrafi (4) të Kushtetutës së Republikës së Kosovës, duke u bazuar në nenin 4 të Rregullores Nr. 02/2011 për Fushat e Përgjegjësisë Administrative të Zyrës së Kryeministrit dhe Ministrive, e ndryshuar dhe e plotësuar me Rregulloren Nr. 15/2017, me Rregulloren Nr. 16/2017, me Rregulloren Nr. 07/2018, me Rregulloren Nr. 26/2018 dhe me Rregulloren Nr. 30/2018, në pajtim me nenin 19 të Rregullores së Punës së Qeverisë së Republikës së Kosovës Nr. 09/2011, Qeveria e Republikës së Kosovës, në mbledhjen e mbajtur më 28 shkurt 2020, nxjerr këtë:

V E N D I M

1. Aprovohet propozimi i Ministrisë së Drejtësisë, për themelimin e Grupit të ekspertëve të pavarur për të dizajnuar parimet udhëheqëse, skenaret dhe elementet e reformës së *Vettingut* në sistemin e drejtësisë, si në vijim:
 - 1.1 Qerim Qerimi, anëtar i Komisionit të Venedikut dhe profesor universitar, Fakulteti Juridik, Universiteti i Prishtinës (kryesues i Grupit të Ekspertëve);
 - 1.2 Avni Puka, profesor universitar, Fakulteti Juridik, Universiteti i Prishtinës;
 - 1.3 Fisnik Korenica, profesor universitar, Fakulteti Juridik, Universiteti i Prishtinës;
 - 1.4 Visar Morina, anëtar zëvendësues i Komisionit të Venedikut dhe profesor universitar, Fakulteti Juridik, Universiteti i Prishtinës;
 - 1.5 Kujtim Kerveshi - avokat;
 - 1.6 Arbëresha Loxha, Drejtoreshë Ekzekutive, Grupi për Studime Juridike dhe Politike;
 - 1.7 Ehat Miftaraj, Drejtor Ekzekutiv, Instituti i Kosovës për Drejtësi;
 - 1.8 Ariana Qosaj-Mustafa, eksperte e sundimit të ligjit dhe e së drejtës gjinore, KIPRED dhe Rrjeti i Grave të Kosovës;
 - 1.9 Arton Demhasaj, Drejtor Ekzekutiv, Organizata Çohu;
 - 1.10 Kreshnik Gashi - jurist, autor i emisionit 'Drejtësia në Kosovë' - Birn, InternewsKosova
2. Obligohet Ministria e Drejtësisë që pas hyrjes në fuqi të këtij Vendimi, të kërkoj nga Këshilli Gjyqësor i Kosovës dhe Këshilli Prokurorial i Kosovës, të propozojnë nga një përfaqësues në Grupin e ekspertëve.

3. Grupi i Ekspertëve do të ketë mandat për çështjet si në vijim:
 - a. të ofroj një studim kuptimplotë, të thelluar dhe të argumentuar mbi mundësinë e fillimit të një procesi të *vettingut* në sistemin e drejtësisë së Republikës së Kosovës;
 - b. të ofroj një pasqyrë të qartë të skenarëve (nga më i thelluari deri tek më sipërfaqësori) mbi të cilët mund të bazohet reforma e *vettingut* të sistemit të drejtësisë, në dritën e së drejtës kushtetuese dhe sistemit ligjor të Republikës së Kosovës, parimeve ndërkombëtare të pavarësisë, paanshmërisë, integritetit dhe profesionalizmit të funksionit gjyqësor e prokurorial, të së drejtës për të drejtat e njeriut kryesisht të bazuar në praktikën gjyqësore të GjEDNj-së, dhe të ligjeve të buta që rrjedhin kryesisht nga forumet e ekspertëve siç janë Komisioni i Venecias dhe Këshillit të Evropës në përgjithësi, por jo vetëm;
 - c. të përcaktoj elementet e reformës së *vettingut* në sistemin e drejtësisë, sipas secilit skenar/alternativa të identifikuar, dhe të identifikoj rreziqet, mundësitë, përparësitë dhe dobësitë e secilit skenar të studiuar;
 - d. të përcaktoj metodën e përfshirjes konstituive të elementit ndërkombëtar në procesin e *vettingut*, dhe mënyrën se si duhet ushtruar përpjekja për të ndërtuar konsensusin parlamentar për një ndryshim të tillë madhor;
 - e. të identifikoj rastet e suksesshme të krahasueshme, dhe t'i sugjeroj/pasqyroj elementet e dobishme që mund të përfshihen në reformën e *vettingut* në rastin e Kosovës.
4. Grupi i Ekspertëve deri me datë 30 maj 2020 Qeverisë dhe Ministrisë së Drejtësisë do t'i paraqesë një raport me skenar/alternativa për Reformën e *Vettingut* në Sistemin e Drejtësisë dhe opsionet që duhet ndjekur për realizimin e reformës së *vettingut* në sistemin e drejtësisë të mbështetur në objektivitet, integritet profesional dhe më së shumti në parime që e bëjnë reformën të mbrojtur nga interferimi i kujtdo.
5. Grupi i Ekspertëve do të kryej këtë shërbim *pro bono* (pa asnjë kompensim financiar). Ai nuk përbën trupë qeveritare e as njësi të institucioneve publike. Ai do të jetë plotësisht i pavarur në dhënien e vlerësimit, dhe nuk do të ndikohet nga pritjet apo perspektivat e askujt në dhënien e ekspertizës së saj. Ai funksionon mbi premisen e punës vullnetmirë, në të mirë të interesit publik, e të bazuar në etikën profesionale.
6. Mbledhjet e Grupit të Ekspertëve do t'i thërras Kryesuesi, dhe mbledhjet e tij këshilluese do të mbahen pa praninë e ndonjë anëtari të Qeverisë, apo kujtdo tjetër, me përjashtim nëse Grupi i ekspertëve vendos të thërras në takimet e tyre ekspertë të vendeve që kanë kaluar procesin e *vettingut*.
7. Anëtarët e Grupit të Ekspertëve që i përkasin organizatave të shoqërisë civile, mund të vetë-zëvendësohen përkohësisht nga ekspertë të tjerë të organizatës të cilën ata e përfaqësojnë, nëse për një çështje të ngushtë një përfaqësues tjetër i asaj organizate gëzon një ekspertizë më të ngushtë profesionale. Rregullat tjera për funksionimin e grupit, vendosen me konsensus.
8. Raporti përfundimtar mbi skenarët e Reformës së *Vettingut* në Sistemin e Drejtësisë do të shfrytëzohet si bazë mbi të cilin mëpastaj Qeveria dhe Ministria e Drejtësisë do të kërkoj bashkëpunimin dhe koordinimin e faktorit ndërkombëtar (parasëgjithash ShBA-së,

Gjermani-së, Mbretërisë së Bashkuar dhe Komisionit Evropian) dhe akterëve parlamentar në Republikën e Kosovës.

9. Obligohet Ministria e Drejtësisë që Grupit të Ekspertëve t'i ofroj mbështetjen e nevojshme teknike, nëse kjo kërkohet nga Grupi i Ekspertëve.
10. Vendimi hyn në fuqi ditën e nënshkrimit.

Albin KURTI



Kryeministër i Republikës së Kosovës

Iu dërgohet:

- Zëvendëskryeministrave
- të gjitha ministrive (ministrave)
- Sekretarit të Përgjithshëm të ZKM-ës
- Arkivit të Qeverisë